

IN OBITVM
ROMVLI PARADISI
I. V. D.

POETÆ PRÆCLARISSIMI,

Et in vtroque Eloquentiæ, & Doctrinæ genere
præexcellētis, à Secretis insignis

ILLVSTRISS. AC REVERENDISS. D. D.

RVPERTI VBALDINI

S. R. E. CARD. AMPLISSIMI

FAMILIARIS.

O R A T I O.

IOANNIS SVPERANTII

Q. Iacobi Aduocati filij, Presbyteri,
Philosophi, Iurisconsulti.

Ad eundem Illustriss. ac Reuerendiss. Principem



CARD. VBALDINVM.



ROMÆ, Ex Typographia Iacobi Mascardi, MDCXXIII.

SVPERIORVM PERMISSV.

Imprimatur, si videbitur Reuerendiss. P. Magistro Sacri Palatij Apostolici.

A. Episc. Hieracen. Vicesg.

*Imprimatur, Fr. Vincentius Martinellus Socius Reuerendissimi
P. F. Nicolai Rodulfij Ord. Præd. Sacri Apostolici Palatij
Magistri.*

ILLVSTR.^{MO} ET REV.^{MO} PRINCIPI³
RVPERTO VBALDINO
S. R. E. CARD. AMPLISSIMO.



DOLOREM, quem percepi maximum ex immaturo discessu Romuli Paradisi à secretis familiaris tui, Cardinalis amplissime, toti Aulae chari, & tibi certè quidem charissimi, tum lacrymis, cum publica, quamvis enerui oratione testatus sum. Lacrymas, non ab animo, sed ab oculis abstergi, ne instar faminarum amico dulcissimo profectum ad sui conditorem inuidere viderer. Orationem edidi, illustrissimoque nomini tuo nuncupaui eo consilio, ut terrarum orbis intelligat me cum Romulo tuo artissimo amicitiae vinculo coniunctum fuisse, ut habeat seruitutis meae, obseruantiae meae, obsequij erga te mei certissimum argumentum, atque praeclarissimum testimonium. Quod meum est, confeci; quod tecum est, confice, Princeps Illustrissime. Quod effeceris, si hilarem munusculo manum porriges. Quamobrem ego amplitudini tuae maximas gratias agam, ac veluti beneficium eximia benignitati tuae acceptum referam: plurimumque tibi debebo, (dicerem, si partes Paradisi insignes mihi essent, si in locum Paradisi me subrogares.) Singulari tamen munificentiae tuae plurimum, inquam, sanè debebo, si partem illius beneuolentiae, qua Paradisum humanissime amplectebaris,

tebaris, mihi Umbra Paradisi concesseris. Hoc unum à
 celsitate tua loco summi beneficij vehementer exposco. Quod
 accrescas velim tutela, in quam me excepisti, ut Illustrissi-
 mo, atque excellentissimo Principi Petro Marchioni Guic-
 ciardino tutelari meo gratum faceres. Deus ter maximus
 S. R. E. ac optimis omnibus diu te incolumem seruet, ut,
 unde admirabili quidem prudentia velis ventos excipis,
 ut omnis Gallia testatur, ne ventorum furor nauiculam
 demergat, clauum teneas, atque trahes. Vale. Romae.
 Kal. Februarij MDCXXIII.

Illustriss. ac Reuerendiss. Dominat. tua

Servus deditissimus

Ioannes Superantius.

5

IN OBITVM ROMVLI PARADISI ORATIO.



VOTIES excogito Romulum
Paradisum extinctum, viri præ-
stantissimi, auditores præclarissi-
mi, quoties, inquam, excogito
Romulum Paradisum immatu-
ra morte nobis præreptum mœ-
rore conficior, lacrymisq. debi-
litor adeo, vt veluti Aegeria illa de qua Poetæ fabu-
lantur, mihi videar in vberimum lacrymarum fon-
tium commutatus, & in suspiria, acerbissimosq. sin-
gultus resolutus. Mirifice sanè diligebam Paradisum,
perpetuòq. diligam amici charissimi, atque dulcissi-
mi commemorationem quam sæpissimè faciens, hac
tamen differentia, quòd dum ipse hac lucis vsura
fruebatur, illius familiaritas mihi erat summæ dele-
ctationi, modò quòd animam reddidit conditori
Deo, suscepti damni commemoratio, imò suscepti
vulneris refricatio animũ perpetuò excruciat. Ne-
que redarguendus quippe sum, auditores, neque vl-
lus vestrum, qui adestis, nescit hominem. Ea sanè
erat Romuli Paradisi modestia, affabilitas, vrbalitas,
ac omnium plena officiorum humanitas, vt quem se-
mel

mel conueniebat, perpetuò optimæ familiaritatis nexu sibi deuinciret. Proh dolor: Roma Romulo expoliata: Paradisus ab aula ereptus. Fateor, auditores, frequentem conspectum vestrum mihi semper fuisse iucundissimum, hunc locum semper ad agendum amplissimum, semper ad dicendum ornatissimum, sed huc nihil nisi suaue, huc nihil nisi floridum, & gratum, huc nihil nisi quod animos exhilaret, mentesq. recreet, afferri oportere. Quod mihi quidem est acerbissimum, cùm mihi dicere constituerim, quæ vos mæstos, ac tristes efficient, si iacturæ magnitudine quid amissum sit, quid deperditum simul vnà rectè ponderabimus. Neque iniuria hoc dico, viri clarissimi. Etenim dum video fixas in mei intuitu oculorum vestrorum acies, omniumq. vestrum vultus in me conuersos, intelligo vos huc conuenisse ad lugendum potius, quam ad ridendum edocti melius esse ire ad domum luctus, quoniam sicuti extrema gaudij luctus occupat, ita è conuerso extrema luctus gaudium concomitetur oportet, dicente Domino: Vos flebitis nunc, sed fletus vester conuertetur in gaudium. Auditores, tempus flendi, tempus flendi. Singulare enim vere amici officium est dare amico, quæ amico debentur. Amico, & charissimo quidem, & digno profectò, qui nunquam occubuiſſet, parentamus. Lacrymis ergo, & laudibus parentandum. Ego sanè vberimas lacrymas ex his oculis effudi, testes habeo suauissimos amicos viros omnibus numeris absolutos, & in legali prudentia iurisconsultos optimè cruditos. Petrum Franciscum Martellum

Fir-

Firmanum patricium, qui in paternis scholis frequentissimo auditorio Cæsareas leges publicè interpretatus est. Tiberium Vulpianum virum Recanensem de optima administrandæ Reipublicæ ratione rectè dijudicantem. Vrsinum Cardinum virū splendidum, liberalem, munificum, inter à secretis nemini secundum, & Romulo, à quo accepit præcepta rectè componendarum epistolarum; valde similem, Amicum, & gratum; quippe qui ægrotantem hominem, mira sanè charitate insomnis curauit, ingenti animo lacrymas continuit, vt ad perhorrendum certamen properatē solaretur extremo amici officio functus. Tumulum, in quo honoratum cadauer reposuit; ære proprio comparauit, miramini? Quid? Cardinus Paradisum ipsissimum refert. Cur? Paradisus intet Cardini labia animam efflauit. Decium denique Discretum in perscrutandis astrorum arcanis virum Primarium. Hodierna die ad horam breuē claudam lacrymarum riuos, omnemq. luctum comprimā, vt coram vobis omnibus in tam singulari conuentu alterum conficiam, vt ex iustis Paradisi nostri laudationibus, atque præconijs cognita hominis præstantia non adeptam ab eo fœlicitatem deploremus, sed vt de iactura, quam fecimus, acerbissimè doleamus. Vos, si in aliquo debitis laudibus demortuum amicum fraudabo, veniam dabitis. Conabor enim aures vestras non defatigare, vt quod auditui vestro dempsero, lacrymis adiungatis. Inter lugendū tamen mihi lætandum esse iure video, quod in hac insolita mihi ex hoc loco ratione dicendi, causa talis oblata est, in qua oratio ne-

mini

mini deesse potest. Dicendū enim est de Romuli Pa-
radisi vita functi singulari; eximiaq. virtute. Huius
autē orationis difficilius est exitum, quam principium
inuenire. Itaque non mihi tam copia, quam modus in
dicendo quærendus est; & præsertim apud vos, viri
præstantissimi, quorum aspectibus vehementer com-
moueor ob ingenij mei defectus, ne mihi dicenti ini-
uriam inferant, est quod vehementer pertimescam.
Memoria, & eloquentia mihi quidem opus est, sed
utraque destituor. Quare fit, ut quæ aduersa cum non
sunt præsentia, minus noceant, hæc mihi, quia non ad-
sunt, sua absentia magis officiant. Neq; ita animo de-
ciderem, si quæ summa, & excelsa vigent in vobis, in
me infima non essent, vel saltem apparerent medio-
cria. Quid dubitas Ioannes? Habes humanissimos au-
ditores: non verborum copiam spectabunt, intelligūt
enim te non prope quotidiana dicendi exercitatione
communitum; sed auctoritatis tantum tibi dabunt,
quantum in tam percelebri confesso honoribus man-
dandum esse voluerunt. At, ut inde oratio nostra pro-
ficiscatur, vnde occasio descendendi in hanc arenam
ducitur; dicam: Audistis Romam suo Romulo expo-
liatam, Paradisum ab aula ereptū. A quo? ab eo, quod
est omnium terribilissimū ab immatura morte, quæ,
si rectè cōsideramus, malum non est, quid sit quæris,
sola ius æquum generis humani. Vnde Poeta:
Agricolæ Regi, mors sceptræ lingonibus æquat.
Nec ideo nobis deslendū est, quippe quod, ut Chry-
sostomus scriptum reliquit, Mors munus necessa-
rium est naturæ iam corruptæ, quæ fugienda non est,
sed

Aristot. Phi-
sicorum 3.

Seneca ad Lu-
cillum epist.
115.

Super Matt.
cap. 1.

sed potius amplectenda, ut iterum fiat voluntarium quod necessarium futurum est. Impossibile tamen est, ut euitemus æternum somnum, dissolutionē corporum, diurnum pauorem, pauperum desiderium, ineuitabilem euentum, peregrinationem incertam, latronem hominis, somni patrem, vitæ fugam, vi- uorum discessionem, & resolutionem omnium. Mors enim omnia soluit.

Secundus
Philosophus
ad Imperat.
Adrianum.

Auth. denup.
lib. 1.
C. ne ex deli.
c. priuile. de
reg. iur. in 6.
Ad Hebr. c. 4
Psal. 38.

Soluitur omne decus latho, viresq. per artus

Et Stigijs color, formę populatur honores.

Cicero Tu-
sculan. 2.

A natura ergo nobis datum est, ut moriamur quamobrem formidolosa mors non est, neque metuenda, cum euitari non possit, & qui eam metuit is viuere animo quieto nullo modo potest. Sed qui non modo, quia necesse est mori, verum etiam, quia nihil habet mors, quod sit horrendum, mortem non timet, magnum is sibi præsidium ad beatam vitam comparat. Quod optimè Paradisus noster sentiens illud vitæ genus instituit, ac sibi delegit, quo non solum in hac ærumnosa vita inter cæteros homines beatus videretur, verum etiam ad cælestem patriam cæteris expeditior, atq. beatior properaret, cur ergo lugendum? cur lacrymandum? quid denique disflendum? Absit quod lugeamus hominem mortuum. Argumentum potius inuidentiæ esset, quam comiserationis. Etenim enimuero omnem exuit calamitatem, & omnes aduersitates ponit moriens, quem benè acta vita præcessit. Vnde Mantuanus ille no- ster vatum omnium princeps in Georgicis scriptum reliquit.

*Optima quæque dies miseris mortalibus æui
Prima fugit, subeunt morbi, tristisq. senectus
Et labor, & dura rapit inclementia mortis.*

Deploranda tamen damna sunt, quæ ex optimorum interitu in orbem terrarum emanant. Deplorandum quidem nobis est, lacrymis studendum, non quod Paradisus obierit, sed propterea quod duplex Paradisus nobis eripitur, & corporeus, nempè, & spiritalis. Vtrunque Paradisus noster referebat, quod apertissimis verbis fateamur oportuerit, vbi primum cognouerimus maximum illud beneficium, quod in sua creatione accepit homo ab ipso rerum omnium conditore Deo Optimo maximo, & vbi dixerimus quam vitam ab infantia vsq. in extremum diem Romulus noster egerit.

Non aniles vobis referam fabulas, quas tanto studio, atque diligentia prisca vates effinxerunt. Mittamus ergo Promethæum illum Iapeti filium, quem ferunt poete primum hominis simulachrum formasse ex luto, deinde ex cælo arepto igne opus manuum suarum animasse; Deucalionem mittamus quoque, quem dicunt una cum vxore Pirrha velatis capitibus post terga materna ossa, hoc est, lapides iactasse, ex quibus natos homines, ac genus humanum propagatum esse veteres somniarunt. Etenim enim verò poetis explanandum erat qui primus Deucalionem Tesaliæ Regem procreasset, & Iapetum Promethæi parentem ædidisset. Silentio prætereamus velim Ægyptios, qui propter aeris serenitatem, soli, & aquarum fecunditatem, & perennitatem, quæ multa
suapte

suapte natura, producit, & generat, primos apud se homines originem habuisse confirmant. Denique prætermittendum operæpretium esse duco ridiculas philosophorum sententias, qui elementa inter se casu quodam cocuntia homines produxisse probare conati sunt.

Hæc omnia profectò scurrilia sunt atq. inania. Dicendum igitur Deum optimum maximum, qui cælum & terram, & omnia, quæ in eis sunt, condidit hominem fecisse. Túc cum dixit Deus faciamus hominem ad imaginem, & similitudinem nostram. Magnum quidem opus est homo, quia est opus manuum Dei, & quoniam factus ad imaginem, similitudinem Dei optimi maximi. O admirabilis similitudo! ò ingeniosum, & ineffabile opus! O incomparabilis actio, ad quam conficiendam tota euocatur Trinitas! faciamus, ecce personarum trinitas, dixit Deus, ecce substantiæ vnitas; non imaginem, sed ad imaginem; quippè quod Verbum Æternum Patris æterni vnigena solus est imago patris, quia cum per generationem ab eo procedat, eadem habet omnino cum patre substantiam, quod nullis rebus creatis vnquam communicari potest. referre aliquid imaginis, & diuinæ similitudinis homini denegatum non est, atque ideo dictum est faciamus, dixit Deus, hominem ad imaginem, & similitudinem nostram. Non superuacanea sunt hæc nomina, non synonima, at vnaquæque suum habet mysterium. Imago enim refert multiplices naturæ intellectualis proprietates, similitudo vnitatem in aliqua re con-

Genes. 1.

D. Tho. p. 1. q. 93. art. 9.

uenientem præmonstrat . Proinde similitudo cum imagine comparatur, vel in eo, quod imaginem præcedat, eaq. communior sit, vel vt tandem subsequitur . Etenim enimvero similitudo accepta, vt in priori membro, latos habet fines, multiq. plures quam solius animæ rationalis proprietates completitur . Incorruptibilis quidem animus noster quod æternus sit, & incorruptibilis ad similitudinem Dei dicitur factus, sed non ad imaginem proprie id referendum est . Incorruptibilitas enim non est solius animi propria, sed alijs quoque rebus creatis conuenire compertissimum est . Imago verò duntaxat secundum naturæ intelligentis proprietates excogitatur nempe secundum intellectum, voluntatem, & memoriam, & liberi arbitrij potestatem, secundum quas humana natura in gradu intellectuali naturæ diuinæ valde similis ad imaginem Dei propriè cōdita est . Si verò in posteriori membro oculos conijciamus, proculdubio vis huius dictionis expressiorem perfectioremq. significat imaginis conditionē, quippe quæ exemplar, diuinam scilicet naturam, vnde ipsa desumpta est, verius expressiusq. ob oculos ponat quam aliarum rerum: quæ creatæ fuerunt, veltigia . Homo enim est numisma quoddam diuinum, in quo Deus optimus rerum opifex sui ipsius imaginem impressit . Sed vbi imago hæc, & similitudo ? in anima, quæ etsi vna sit, tres tamen habet potentias . quæ sunt vna anima, sicuti tres personæ, Pater, Verbum, Spiritus sãctus vnum sunt, scilicet vna substantia simplicissima, & purissima, quæ veraciter est

Pater, est Filius, est Spiritus sanctus, sed non est generans, non genita, neque procedens, sed est Pater, qui generat; Filius, qui gignitur; Spiritus sanctus, qui procedit, ut sit distinctio in personis, & vnitas in natura. Quare animus noster in simplicitate, & puritate substantiæ atq. in eius æternitate vnus existens & in potentiarum trinitate vni Deo, & trino, aliqua ex parte respondens Deo simillimus conditus esse videtur. Quod si animam & corpus simul coniūxerimus, ad imaginem Diuini Verbi, quod carni vnien-
 dum erat, hominem factum esse dicamus operæpre-
 tium est. Nam sicuti ex Deo & homine vnus Christus constituitur, ita ex corpore, & animo vna hominis persona coalescit. Ac quemadmodum duplex natura incorruptibilis altera, altera morti obnoxia, miro Dei artificio in prima hominis constitutione, coniunguntur, ita duplex natura diuina, scilicet, & humana in Christo Domino inexplicabili Diuinæ Trinitatis mysterio connectuntur, & copulantur.

Egregia quidem præ cæteris Diui Ioannis Chrysostomi sententia est, hominem totum ad imaginem Dei, & similitudinem ideo factum, quod in eo relucent diuini principatus imago, & super cælestis imperij proportio. Quod enim Deus est in cælo, homo est in terris secundum principatum, cælum cæli Domino, terra autem dedit filijs hominum Regius Vates *Psalm. 113.* decantauit. De qua re nemo compos mentis est, qui ambigat, cum sacer textus affirmet ideo hominem ad imaginem, & similitudinem Dei fabricatum fuisse, ut præsit cunctis animantibus, quæ sub cælo sunt,

Genes. 1.

nam

nam sicuti in cælo nullus Deo superior est, ita in ter-
 ris nullus superior est homine. Factus etenim est ho-
 mo, ut secundus præses post Deum, si Deo obtem-
 perauerit, imperet mundo. Nec ideo cogitent priua-
 ti homines in ipsis hanc Dei Principis, & Regis ima-
 ginem ennitere; propterea quod etsi reges non sumus
 sicuti sunt Galliarum Reges, Venetorum Duces Se-
 renissimi. Cæsares, & Augusti, & sanctæ Romanę
 Ecclesię proceres Cardinales, ac summi Pontifices,
 quos Deus munificentissimus, ac liberalissimus do-
 minandi potestate auctos sibi simillimos facit, &
 tanquam Deos nobis, & cæteris omnibus præficit,
 habemus, & ipsi quid regamus, & quibus impere-
 mus, si nobis ipsis imperare voluerimus. Magnum
 profectò regnum intra nos habemus, quod ut iusti-
 tia, & consilio gubernetur, ius suum unicuique tribuē-
 dum est. Inferiora superioribus regantur oportet,
 ima summis obtemperent, vitia virtutibus subiaceāt,
 ratio sensus refrenet, superior animi pars inferiores
 subigat, donec recta viuendi norma seruata ad al-
 tiora immortalis vitæ regna omni carentia contradi-
 ctione, & bello Deo propitio perducamur. Hunc
 rerum omnium productarum præsulem hominem
 formauit Dominus de limo terræ, admirabiliterque
 exculpsit, formauit, inquam, si quidem forma est
 rerum perfectio, quippe, quod omnia è manu Dei
 perfectissima effluxerunt. Formauit, inquam, non
 propriè creauit, sed formam induxit in limum ter-
 ræ, & hominem, & quasi omnem rem formauit.
 Porro in homine omnia continentur; quoniam ho-
 mo

mo est verum omnium compendium, quamobrem
 Græci hominem microcosmon, hoc est paruum
 mundum appellant, & idcirco sexta die plasmatus
 ut in quodam breuissimo epilogo, ea omnia, quæ an-
 tea Deus condiderat, continentur. Quam admi-
 rabilis Deus in operibus tuis. tu quidem sublimem
 animam ad tui imaginem factam cum infima adeo
 materia vnīs, & ligas, quid anima in vniuerso orbe
 nobilius excogitari potest, & sublimius? quid limo
 ignobilius, & vilius? sed quo ligamento? eo quod
 Plato ignem caloremq. nominat, alij aereā, & æter-
 nam substantiam dixerunt rectius, Aristoteles non-
 nunquam calidum spiritum, & calorem naturalem
 vocat. hic quidem spiritus est illud ligamentum, quo
 anima cum corpore iungitur, quod est quædam me-
 dia natura, quæ consentit cum limo, & cum anima
 quoque necessitatem habet, cuius idonei medij, & il-
 lustris substantiæ interiectu naturæ quam maxime
 dispares animus scilicet, & corpus societatem ineunt
 coeuntq. Spiritus enim hic vtrique extremo familia-
 ris, & accommodatus est, cum etenim non sit prorsus
 sine corpore, crasso quidem corpori inferi potest,
 cum vero tenuior splendidiorq. sit, potest cum anima
 coniungi, sic veriusq. quodam modo particeps natu-
 ram corporis expertem cum natura corporea copu-
 lat, puram cum impura, diuinam cum terrena. Ido-
 neo igitur vinculo, & amico nexu conciliauit simul
 summus rerum opifex animum, & corpus quando
 hominem de limo terræ formauit.

• Constat limus ex humido ex sicco simul iunctis.
 illud

illud in se ipso consistere non potest, continente indiget, hoc stabile in se ipso est, & fixum proprio enim termino clauditur, difficulter vero alieno accommodari potest. Hæc duo simul miscuit Deus, ne homo durus, & pertinax, & immobilis esset, ne fluxibilis sicut aqua, instabilis, & leui ex causa mobilis, sed ut temperatam naturam possideret.

In hoc figurato limo, insufflauit Deus spiraculum vitæ, scilicet animam, quæ spiritus tenuis est, quæ spiritibus vitalibus animalibus in corpore conseruatur; quæ ut nobis tribuat vitam, spiritu, & spiratione indiget, quæ est actus corporis physici organici potentia vitam habentis, per quam viuimus, intelligimus, & mouemur; quæ viuentibus est esse, quæ extrinsecus ad corpus accedit, quæ est numerus seipsū mouens, quæ simplex substantia est, & intellectualis à Deo ex nihilo creata, & in organicum corpus infusa in ipso creationis momento, ad imaginem Dei facta, & procreata ad æternam beatitudinem.

Vniuit Deus hanc animam, hoc spiraculum vitæ huic limo terræ duplici de causa, ut homo sui ipsius cognosceret præstantiam in animam oculos mentis coniiciendo, ut intelligeret suam miseriam, & ignobilitatem dum limum terræ de quo sumptus est, conspiceret, ut considerata forma non vilesceret propter materiam, ut spectata materia non superbiret propter formam, & ut demum se cognosceret magnum, & paruum quid. Magnum, quia ad imaginem Dei, & similitudinem conditus, paruum, quia limus, & humus. Quamquam futurum erat humanum genus

cum

Aristot. de
anima 2. tex.

4.
1. de gener.
anim. 3.

Plato in
Timæo de legi-
bus 10. Theo-
logi omnes.

cum hoc limo perpetuo felix, nullaq. vnquam sollicitudine præsum, nisi primus parens cladibus, laboribus, ærumnis, calamitatibus, quibus quotidie excruciamur; ultro se, & posteritatem omnem scelere subiecisset, ex illo subinde effectum est (proh dolor) vt nepotes in profundum malorum, & iniquitatem deuenerint, adeo, vt pro scelerum expiatione vindicem Dei manum sæpe sæpius sibi concilient. sic vitium deprimit hominem, & malitia præcipitem dat, e contra virtus extollit, probitasq. ad altiora perducit.

Ex hac ita in vniuersum hominis enarrata præstantia, Auditores, qui sit corporeus paradysus cognoscere sanè possumus. Non de illo Paradiso loquor, quem amœnitatis locum, & omnium deliciarum plenum esse dicunt, in quo Deus posuit hominem, vt operaretur, quem situm in Orientali plaga cogitant sacrarum litterarum interpretes. Non de illo quem Empyreum vocant, & sedem beatorum credimus: sed de hoc humano corpore, quod quocumque amœnissimo viridario pretiosius est, & quocumque deliciarum horto deliciosius. Homo vnanimi omnium consensu est paruus mūdus, ergo & paruus paradysus. Quicquid enim admiratione dignum, & veneratione Deus procreauit, veluti quodam admirabili compendio in homine complexus est, quare consequitur in homine paradysum illum corporeum cōtineri, quem Deus fabricauit, vt in terris perpetuis delicijs homo frueretur. Paradysus ergo homo iure dici potest. eoq. magis, quo forma corporis digna erit imperio, quo pulchrior hominis aspectus. quo vt procerior stru-

Ætura corporis omnibus absoluta numeris, ac omnibus suis partibus constans. Quis enim oculus adeo tristis est, adeo flebilis, quin ad pulcherrimi hominis conspectum totus hilarescat, rideatque? Romulum Paradisum omnes cognouimus, nemo nostrum, qui illius familiaritate usus non sit. Veientum princeps vrbs, cuius agros Cremora flumen abluit, hominem peperit, Roma enutriuit; ac demum sinu excepit in ipso ætatis flore, dum aliquam præmiorum spem conceperat, dum amici sperabant fore nè incassi illius labores essent, neque diu irremunerati iacerent, dum de illius cōmodis cogitabat Illultriss. & Reuerendiss. Princeps Cardinalis Rupertus Vbaldinus, cui à scribendis epistolis spectata fide, ac diligentia deseruiuit. Miramini auditores? Crudelis, parentem, ac primum sui conditorem peremit. hunc suum exornatorem oblongæ, illustis tamen, ac liberalis seruitutis præmio & beneficijs fraudauit, & absque vlla literariorum laborum recognitione humauit.

Ab hoc vno, quod reliquum est, discite, Aulici, quæso. Sed quo me duxit mæror animi, iustusq. dolor? Ad rem nostram igitur. Omnes, inquam, Romulum Paradisum cognouimus. quo quidem in aula, date veniam, oro, nemo pulchrior, nemo formosior. Corporis structura procera adeo, vt omnes instar Palantis superemineret. membra omnia admirabili quadã proportionem simul coibant. nihil dissonum, nihil discorde in ipso intuebamur. In vultus iucunditate Augustum referebat. in superciliorum grauitate Vlissēm præmonstrabat. in frontis legitima latitudine Platonem

nem designabat, in oris elegantia præclarissimum ingenium, & elegantissimas disciplinas, in quibus eruditus erat, manifestabat. Nasus adeo toti faciei respódebat, vt illum omnium formosissimum redderet. venerabilis Paradisi nostri aspectus Hectoris vultum, & animum referebat insignem, clementem, dignum, non iactatorem, amicum, liberalem, magnanimum, virilem. Non inepte comatus erat suauissimus amicus noster, alebat comam, vt pulchritudinem suam decentiorem efficeret, in qua Scipionis quandam delineabat imaginem, edoctus Siliij Italici carmine :

Martia frons, facilesq. comæ nec pone retroq.

Cæsaries breuior.

Nunquam tamen in annulos efformauit, ne comatulus videretur, non verbosus, non multi risus. eloquens tamen, & fortis, cuius rei iudicium & argumentū vox grauis, & sonora; blandula tamen, nam sicuti Priami formam habebat, & quidem imperio digna, ita iocundus, hilaris, prudens, & moribus veluti Priamus ornatus erat. Et si aliquando iusta animi ira ardebat, adeo claram vocem emittebat, vt mihi alter Aiax in hostes atrox videretur. Turpia enim aborrebat, & eorum factores longe à se propulsabat, oculos habebat ceteris partibus respondentes, non paruos, non magnos, sed medios inter vtrumque blandos, & gratiosos adeo, vt in sui amorem, & venerationem omnes alliceret, & raperet.

Incessus grauis, gestus, suauis, totius corporis motus harmonicus. Excogitate, quæso, Paradisi corpus, & bene concordatæ, & dulcisonantis Cytharæ supercælestis

modulatio animos mulcebit profectò . Quis ergo negabit hominem Paradisum esse . Cum in nostro Paradiso componendo sic natura elaborauerit , vt non solum cognomine , verum etiam re ipsa Paradisum nobis dederit , in quo , vt audiuiſtis , omnes suas collocauit delicias , in quo fessa recreabatur , vt alterius Paradisi componendi exemplum caperet , sed effera mors Paradisum populata est , depasta est ; naturæ delicias deuastauit , lucem Aulæ in tenebras conuertit , diem nostrum in obscurissimam noctem commutauit , gaudia amicorum in perpetuos luctus transtulit , & singulari ornamento Romam immanissime expoliauit .

Doleo , Auditores , vestras vices . Comprimite fletum , abstergite lacrymas , oro . Quod suum erat , videlicet corporeum Paradisum excepit humus . Maiorem iacturam fecimus . Spiritalem Paradisum amissimus , cælum eripuit . Tantisnè cælestibus animis iræ ? Attendite , viri humanissimi . Omnes homines , qui student præstare cæteris animantibus summa ope niti decet , ne vita silentio transigant , veluti pecora , quæ natura prona atq. ventri obedientia finxit . Sed omnis nostra vis in animo , & corpore sita est . Animi imperio corporis seruitio magis vtimur , alterum nobis cum dijs , alterum cum belluis commune est , quo mihi rectius esse videtur ingenij , quàm virium opibus gloriam quærere . Et quoniam vita ipsa , quam fruimur brevis est ; memoriam nostri quam maxime longam efficere . Nam diuitiarum & formæ gloria fluxa , atque fragilis est ; virtus clara æternaque habetur , primum certè studium à tenera ætate generosi ho-

Salust. in Ca
tilinam.

si hominis esse debet, ut virtute excellat non una, sed
 omnibus quantum fieri potest. Hoc sentientes Para-
 disii desideratissimi parētes optimi adeo charissimum
 filium in ipsa infantia educarunt, adeò sanctè in Chri-
 stianis disciplinis erudiendum curarunt, ut natura-
 lem facundiam, ac politam, & elegantem eloquen-
 tiam vnà cum integra ac virili voce, optimisq. mori-
 bus induerit, & ab optimis pedagogis ebiberit, & in-
 venas & sanguinem transmiserit non vi, sed iocosa
 conuersatione, & quotidiana exercitatione, nam in
 moribus, & præceptis id ipsum contingit, quod cibus
 accidere experientia docet. Humana quidem natura
 non seueriori disciplina instituitur instar equorū, sed
 puerilibus gaudet blandimentis, & iucunda quadam
 sine duritie institutione. Nam pueri quod formidi-
 ne commota audiunt id pænitus abhorrent, & eo alie-
 nantur prorsus per omnem vitam. Dulcedine igitur
 capti infantes, & pueri omnia retinent, & præsertim
 si quotidiana exercitatione, & vsu in omnibus disci-
 plinis verbo, & exemplo instituantur, mores enim
 cum ætate coalescunt, & qui puerum vitulum substi-
 lit, vir factus tollet taurum, ut Milo Crotoniates lu-
 su puerili demonstrauit. hi sumus, qui enutrimur,
 hi sumus, qui in ratione animi, & ingenij instituimur.
 Cum lacte fides sugenda, à turpiloquijs remouendus
 puer: corrumpunt bonos mores colloquia mala: & ab in-
 fantia præclarum nomen quærendum, comparanda
 virtutibus honesta fama. Quam Paradisus noster in-
 fantulus in Christiana disciplina profecerit, quam de-
 clinauerit turpia, quàm honestis præceptoribus vsus
 sit

Paul. Ephes.
 5. Colos. 3.

sit adolescentia ostendit. Intellexit quippè Romulus
 noster adolescentiæ partes esse senes reuereri, ex his
 optimos, probatissimosq. eligere, quorum consilio, &
 auctoritate semper nitendum, eo studium dirigere,
 vt reipublicæ quàm plurimum prodesse, & animæ sa-
 lutem adipisci queat. Horum prudentia ineuntem
 adolescentiam edocuit, constituit, rexit, moderatus
 est. libidines refrenauit, in labore, & patientia ani-
 mi, & corporis. hanc ætatem adeò exercuit, vt cura,
 & industria plus quàm humana omnia officiorum iu-
 ra compleuerit. Abstinit quidem Bacco, & Venere,
 & animum propter naturæ recreationem relaxauit,
 adeò iucunditati studuit, vt ne quid intemperatum
 commiserit verecundiæ recordatus, & ita in adole-
 scentia se gessit, vt è cælo dimissus crederetur, vt ami-
 cos, & rempublicam consilio, & prudentia maxime
 iuuaret. Proinde omnem inscitiam philosophicis
 vestigijs, ac politioribus literarum studijs fugauit sua-
 pte natura ductus ad cognitionem veri, & ita mētem
 diuinis splēdoribus perfusam ad honesti rectiq. amo-
 rem accommodauit, vt voluerit potius fructibus enu-
 triri, quàm florum amenitate conspergi. Ostendit
 tam bene actæ adolescentiæ subsequens iuuentus, in
 qua florentis ætatis temeritas fuit prudentia senectutis.
 nec mirandum, quoniam pueritiam in bonis arti-
 bus instruxit, adolescentiam veris salubribusq. præce-
 ptis erudiuit; Deum reuereri, & Iesum Christum ser-
 uatorem summo studio ex animo perdidicit, cogno-
 uerat enim omnia scire qui Christum cognoscit, igno-
 rare omnia qui Christum nescit, solus Iesus Christus
 dat

dat abunde prudentiam, & sapientiam, neque improperat. Atq. ideo Romulum Paradisum vidimus iuniorem super senes intēdisse moribus dies antiquorum, meritis præuenisse tempora, & quod defuit ætati, virtutibus compensasse. Proinde ætas non distinguit iuuenem à sene, sed mores, non distant puer, & moribus puerilibus, senex, & moribus senilibus. præditus quam sæpissime adolescens Paradisus virtute, & moribus prudentiam senum superauit. Hinc magnum gaudium non expectauit, vt ad Lucillum scripserat Seneca, sed excepit, quum puerilem animum deposuit: Seq. in virum philosophiæ descripsit, maiores natu semper reueritus est, & cum obsequio subiectione, & obedientia sobrietatem, & morum perfectionem, quæ senum munera sunt, & suauissimo nexu coniunxit. Nam quemadmodum fructus arborum non profert quin prius flores dederit, ita senectus legitimos honores nūquam adipisci potest quin adolescentia, & iuuentus disciplinarum cognitione elaboratæ fuerint.

Romule mi, Paradise mi, & quos honores non meruisti? & ad quas dignitates iter tibi non parasti? Studia tua, vigiliæ tuæ, poematia tua, Mesentius poema Heroicum, carmine Hetrusco confectum, reliqua latino decantata versu, supra viginti mille Italico sermone conscriptæ omnium generum epistolæ, eruditissimarum sententiarum plenæ, quarum refertas arcas reliquisti; tot testes sunt meritorum tuorum. Multa quidem tibi debebantur, sed quam recepisti mercedem? Maximam amicorum tuorum acerbissimas lā-

Iacob. 1.

Dinus Bern.
ad Theobal.

Epist. 16

Cypria. lib.
12. de abusu
nibus.

cry-

crymas, & optimorum omnium communem luctum; & tuæ fortis non aspernandam commiserationem. Mortuus verecundia afficeris, quasi erubescas audire ab amico tuis suauissimis doctissimisq. colloquijs or-
bato veram laudationum tuarum enarrationem. Verecundaris? quid? Auditores, adeo verecundia virtus propria fuit Paradisi adolescentis, ut eam neque in morte deposuerit. Hac vera & minime dubia bonæ spei nuncia, & bonæ indolis puericiam instituit; hac pulcherrima, & splendidissima gemma morum adolescentiam exornauit. Hac virga disciplinæ expugnatrice malorum, propugnatrice puritatis innatæ iuuentutem custodiuit. Hac speciali gloria conscientiae optimæ, famę custode, sede veritatis, hac naturæ laude, hac sorore continentiae, his denique virtutum primitijs, hoc vitæ decore, ac totius honestatis insigne, omnem reliquam vitam, & mortem ipsam cohonestauit. Et ideo cum non indignam transegerit ætatem huius vitæ exitus omnes mæore conficit, & lacrymarum imbres ex omnium oculis educit, & quoniam omnem superiorem ætatem honestissime traxit, in ipsa parentatione vberimos fructus capit auctoritatis.

Reuocemus, quæso gressus. Ne Romuli viri dignitatem suis laudationibus fraudare videamur. Audistis, qui Romulus adolescens, qui Romulus iuuenis: dicendum profectò est qui vir Romulus fuerit.

Perpendite, quæso. Duplicem viri conditionem esse neminem vestrum ignorare puto, Ecclesiasticam scilicet, & prophanam. Sacri enim viri alijsq. exemplo

plo esse debent seduloq. studeant oportet eos vbi-
 que exprimere mores, quorum imitatione prophani
 in viam virtutis euocentur, vt meliores euadant, &
 prauos mores emendent nequissimi homines; qui ex-
 cogitantes sacros homines Angelos esse, vt quidem
 esse deberent, vbi vident festucam in oculo sacerdotis,
 trabem videre somniant, & maledictis totum
 sacrum ordinem deturbant. Nec iniuria aliquando,
 nullum enim malum quod à capite non descendat in
 corporis membra. nullum in Republica malū, quod
 vt plurimū à magistratu initium aliquod non capiat.
 & propterea si minus omnem virtutem exprimant
 saltem adumbrent, scandalaq. effugiant iuxtā illud,
 si non caste, saltem cautē. Meminerint oporteret
 sacrificulos existere in Christo, in gratia Dei, & in
 mutua proximi delectatione. quæ etiam malefacta
 in optimam interpretatur partem, sacerdotes percus-
 sientibus maxillam alteram porigant opus est. Illi
 enim optimi sacri viri existimādi sunt, qui ab ineunte
 ætate populos in sanctis exemplis, & in sana doctrina
 erudire didicerunt, & sibi, & populis, & toti Chri-
 stiano orbi emolumento sunt, & ornamento. quiue-
 per omne vitæ institutum assuetam retinēt pietatem,
 & sine omni molestia cum laude, & honore, & vtili-
 tate populum habent ad bene agēdum paratissimum
 obsequentem, ad domestica negocia peragenda ac-
 cōmodatum, virtutibus obnoxium, à vitijs alienum,
 onera paupertatis non iniquo animo ferentem, non
 superbum, & S. R. E. audientem. Hinc hæreses di-
 seinduntur, schismata euanescent, impij conticescunt,

D

& den-

& dentibus fremunt, & contabescunt. deniq. inexplicabili vinculo in Ecclesiæ Dei omnia simul coniunguntur. Contrà mores prophani sicut Ecclesiastici conquiescunt, faciles, & plani sunt, ita ipsi perpetuo motu agitantur, incerti instabiles nunquam in eodem statu permanentes, ac veluti mare dispumans varijs affectionum ventis, ac multiplici perturbationum impetu huc illuc circumferuntur. In sæculo tot capita, tot sententiæ. varij prophanorum status, varij quoque mores, atq. cuiusq. vitæ generi correspondentes. alij sedulitate laborandi expediti, haud dubie necessaria alimenta, & vitæ subsidia quærunt, corpore valido, ac robusto, alij arma tractant duri, & asperi, & aliena cupientes, alij benigno animo in perpetua tranquillitate paucis contenti vitam traducunt. alij litigijs gaudent, & forensi strepitu. prophani corpori conservando student, Ecclesiastici animorum tranquillitatem quærunt, & beatitudinem. Religiosus animi bona curat, prophanus corporis commoda prospicit. Religiosus rerum diuinarum, & humanarum cæteros antecellat oportet. prophanus in actione prudentiam coniungat, vterque pro reipublicæ commodo euigilet, vt iustitiam colat: consilio religiosus, viribus corporis præstet prophanus. vterque fortitudini operam det. Ardua ferat ille, difficillima agat hic. Turpè vterque caueat, vterq. mortem contemnat, & dolores. Hæc fortitudinis munera duo maxima sunt. Quæ omnia ita in Romulo Paradisio floruerunt, vt quæ in cæteris disonantia videntur, in hoc vno ita arcta necessitudine iuncta erant, vt

concors discordia morum dulcissimam efficeret
armoniam . Adeo igitur vir erat , vt totus positus
erat in eo , vt sibi primum imperaret à Boetio edo-
ctus.

Lib. 3. Met. 7

*Qui se vult esse potentem,
Animos domet ille feroces,
Hæc victa libidine colla
Fadis submittat habenis.
Etenim licet Indica longe
Tellus tua iura tremiscat,
Et seruiat vltima Thule,
Tamen atras pellere curas
Miseraſq. fugare quærelas
Non poſſe patientia non eſt.*

Hanc ita coluit virtutem , vt vtriusque legalis philo-
ſophiæ laurea donatus, virilemque togam indutus nul-
lam aliam laudem , nullam aliam gloriam quæſierit ,
nec ſibi comparandam propoſuerit , niſi facta fortio-
rum emulari, & ex animo Ieſu Chriſti ſeruatoris no-
ſtri imitari patientiam , & in aduerſis tollerantiam .
Quid enim Iulium Cæſarem ad ampliſſima facinora
peragēda commouit ? Iuuenis Alexandri Magni ſtre-
nuè bella gerentis in templo Veneris propoſita ima-
go, & contemplata . Quid Stephanum, Petrum, Pau-
lum, Andream, & reliquos Apoſtolos fortiores, & cō-
ſtantioreſ in ſuſcipiendo martirio effecit ? Magiſtri
Redemptoris noſtri Ieſu Chriſti certiffimum exem-
plum . Quid cæteros Martyreſ commonuit , vt gau-
dentes vulnera exciperent , vt non ſic ad thalamum
nupta properat, ad ſupplicij locum lætæ ſucceſſu, gra-

du festinæ sanctæ virgines procederent, concitauit? Sanctorum virorum, qui contempta tyrannorum immanitate, & spiculatorum sæuitia nihili facientes stolas in sanguine agni lauerūt, & mortalem vitam cum immortali gloria commutarunt, excogitata exempla. Et quamquam Paradisus noster non egeret exemplis, vt naturam vinceret, cum ab ipsa natura optime instructus ad meliora proiectis peioribus duceretur, tamen diu noctuq. optimorum doctorum scripta reuoluebat, vt quicquid optimi, vnde quis nomen optimū adeptus esset, cognosceret, & imitatione dignum, in sui naturam transfunderet. Paradisus igitur non otiosus, in delicijs non superuacaneus, languore dissidiaq. animum ad alstra contendentem infecit nunquam. & solum id, quod viriliter magnoq. animo fit, se viro dignum, & decorum esse putauit. Ita omnem dolorem euinxit, omnem fortunam superauit. Quamobrem quod Horatius Delium commonuit, sedulò quidem Paradisus noster in toto vitæ cursu seruauit, scilicet in aduersis æquam, in secundis temperatam mentem.

Cicero Tuscul. 2.

*Aequam memento rebus in arduis
Seruare mentem: non secus in bonis
Ab insolenti temperatam
Letitia moriture Deli.*

Carminum 2
Ode 3.

Menander.

Malos non formidauit, his non cessit. Incommodis non succubuit, accidentia generosè tulit, eneruem nō habuit animum, quem virtus odisse consueuit. Et quoniam intelligebat se natum vt Rempublicam, patriam, amicos, consanguineos, necessarios, domum, familiam, quæ in Castellana ciuitate nobilissima, ac

vetu-

vetustissima est, & inter Veientes primas tenet, ac denique se ipsum defenderet ab omni externa, & hostili vi honestissimis exercitationibus deditus, & grauioribus literarum studijs otia fugit, balnea, mollia strata, vina, & Venerem. Hei mihi? Euitauit hæc omnia, quæ ad infernas sedes iter accelerare solent, tamen annum vix quadragesimum secundum natus naturæ debitum soluit, animumq. omnibus virtutibus expositum Deo factori reddidit. Raptus fuit, ne à malitia Sap. 4. raperetur, & consummatus in breui expleuit tempora multa. Placita enim Deo erat anima illius: propter quod properauit educere illum de medio iniquitatum, quibus affluit hæc cænosa tempestas; in qua nullus datur locus virtuti. Omnes laudis, & gloriæ cupidi, ingratißimi omnes. Quid inquam? non mortuus Sap. 4. est Paradisus noster, in refrigerio est. Senectus enim venerabilis est non diuturna nec annorum numero computata. Cani autem sunt sensus hominis, & ætas senectutis vita immaculata. Cur translatus est Paradisus noster? Ne placens Deo factus viueret inter peccatores.

Quod Deo placeret quis ambiget? Romulus quidem erat. quod otiosus nunquam, partes vestræ Romanæ procere fortia agere, & pati, sub quorum pedibus Deus omnia subiecit, & gloria, & honore vos Cardinaliū
Partes, & dignitas. coronauit, vosq. constituit super omnia opera manuum suarum. Dedit vobis iudicandi potestatem, vt Psal. 8. dii sitis, & filij excelsi omnes, & dii fortes terræ vehementer. Paradisus erat, vt audistis, corporeus, & Psal. 81.
Psal. 46. spiritualis, ideò charus Deo, & à cælicolis, vt eius per-

petua familiaritate fruantur, nobis omnibus ereptus. Cur? Quoniā Heroes, quod est tertiū quoddā diuorū genus, raro, aut nunquā in terris cum hominibus cōuerfantur. boni sicuti fugiēs flamma inter nubes corruscant, & veluti vernæ corruscationes in sereno cælo pertranseunt, ac eo, vnde effluxerunt, reuocantur. Homines enim doctos ipsos fideles, prouidos, sagaces, acutos, multiplices, memores, plenos rationis, & consilij à Dijs mortale appositum solum disiungit.

Talis erat equidem Paradisus, qui veluti Deus amicis, & bonis omnibus erat. Talis tantaq. ergo erat in viro maiestas, & virtus iuuandi se, suosq. vt talem commédationem iure sibi debitam mereretur. Tantæ itaq. viri maiestati non sine causa tot tantaq. dona, tum naturalia, cum supernaturalia iure quidem debebantur. Quod in omnibus gestis viuens manifestauit. Munditiam non odiosam adhibuit, nec nimis exquisitam, non inhumanam, & agrestem negligentiam fugit. Vestitus rationem habuit, in quo mediocritatem seruauit. nec fines suæ vitæ transfiliuit non mollioribus tarditatibus in gestu utebatur, non nimias celeritates in festinationibus suscipiebat. armonicum corporis motum componebat, ita vt in ipsis deambulationibus omnes delectaret, & honestis corporis exercitationibus delectaretur. In eo præsertim elaborabat, nè animi motus à natura recederent. Ipsa enim natura huius viri formam mira quadam pulchritudine decorauit. Quapropter seipsū in speculo crebro contēplabatur, vt qui pulchritudine excellens sibi placeret, studiosè procura-

curaret ne dignitatem corporis malis moribus dehone-
 nestaret . quod etiam faciant oportet qui verò mi-
 nus se forma commendabiles cernunt vt virtutis lau-
 de turpitudinem regant , vt audiant Diogenem di-
 centem , ò quam mala domus, & bonus hospes . ma-
 lum hospitem in bona domo excipiunt , qui pulchra
 facie sunt, & moribus inhonestis . Paradisus ideo
 noster , & pulcherrimam domum habuit , & non so-
 lum bonum hospitem, sed plurimos optimos hospites.
 nam in eum non solum corporeæ dotes, verum etiam
 confluerunt veluti in suum Paradisum virtutes om-
 nes . Multis formę pulchra maiestas conciliatrix re-
 gię coronę fuit . multis morum probitas causa regni
 & amplissimarum fortunarum . Quod ergo regnum
 Romulo Paradiso debebatur, in quo & exquisitam
 corporis formam, & admirabilem morum probita-
 tem, & non vulgarem disciplinarum omnium erudi-
 tionem elegantissimo vinculo natura, & Deus vnani-
 mes coniunxerunt ? Terrenum. parum: fortasse con-
 sequutus esset, nisi inuidens fortuna vitam denegasset.
 Cæleste . Rectè quidem . Assequutus est, & amplif-
 simas illas immarcescibilis glorię diuitias, & opes,
 quas bene agendo comparauit , possidet . & pro insu-
 la purpurea coronam stellarum adeptus est . Ipse
 enim modo illo potitur Paradiso, cuius imaginis nos
 iacturam fecimus . Nam quemadmodum Empireum
 cælum clarissima beatorum sedes est, cuius lucerna, Apocalip.
 est Agnus, ita Paradisus vt virtutum omnium iu-
 bar virtutum omnium fulgentissimum erat taberna-
 culum . quoniam anima illius templum Dei erat. Ex

ore pendet? quid? dubitatis ne Romulus fuerit ille corporeus, & spiritalis Paradisus, quem amplissima oratione esse comprobauimus? Cælum rationale est homo. Anima iusti sedes est sapiëntiæ, ergo Dei. Sublimitas enim vitæ est in causa, quod cælorum ciues sanctorum nomēclaturam habeant. Quoniam bene agentis hominis cōuersatio in cælis est in seipsa cōtinefis verbum vitæ, quod cælos firmat. verbo Domini cæli firmati sunt. quippe quod Deus per gratiam in homine conquiescit. Vnde legimus cælum sedes mea. Si ergo hoc cælum, hic homo est sedes Dei, iure consequitur hominem Paradisum esse, atq. pulchriorem, atque splendidiorē, quo magis homo se cum Deo coniungit per studiosam operationem. Ergo Paradisus noster erat Paradisus, & cæteris omnibus magis Paradisus, quo cæteros omnes fide, pietate, religione æquabat, multos modestia, affabilitate, vrbānitate, clementia, mansuetudine, & humanitate supereminēbat, & inter à conscribendis epistolis vir eruditissimus, & ingenio in vtroque eloquentiæ, & doctrinæ genere præexcellens primas tenebat virtutum omnium laudatissimus cumulus. O deplorandam iacturam! ò miserrimam hominum conditionem! Iacta est alea. Paradisus occubuit; Quid sperandum? extincta aule solatia. In cælum raptæ deliciæ nostræ, abrogata lex honestatis, & amicitia. Ars apposite, & erudite dicendi discissa, norma bene. & Lacinice cōscribendarum epistolarum discerpta. schola bonarum disciplinarum clausa. regnum virtutum omnium expugnatum, & desolatum. Perpetuò enim in hac mortali

Diuis Bona-
uentura.
Philip. 3. 5.

Psal. 13.

Esai. 66.

tali vita occidit sol noster; Paradisus noster.

Hic noster Paradisus tanti honorem, & nominis gloriam extimabat, adeoq. honoris, & dignitatis suæ custos erat, & amans, ut pro illius conseruatione lubens cum morte vitam commutasset, totum terrarum orbem proiecisset, ut honorem, & dignitatem retineret. mori potius volebat quam fœdari. familiaris à secretis erat illustrissimi viri Patricij Romani Petri Pauli Crescentij, qui in albo Cardinalium descriptus fuit ob singularis animi dotes, ob eximias virtutes, & ob insignem quandam sui modestiam, qua vtrumq. Reum stipulandi, scilicet, & promittendi, cæterosq. litigatores Cameralis Auditor in sui conspectu admittebat cuiq. suum tribuens. A secretis, inquam, viro principi seruitium præstabat, quod deseruientibus, & habendi cupidos maximo emolumento esse solet. Vnde non solum pauperiem explodit administer, verum etiam collocupletare solet. Nescio quid pro quodam amico lubens, ut sui moris erat, confecerat: amicus, ut grati animi signum daret, & pro accepto commodo gratias referret, ac pro viribus quandam aureorum copiam, neque reiiciendam quidem dono misit. Audito nuncio veluti aquæ efferuescunt subditis ignibus, efferbuit æstu, tantaq. excanduit ira, ac in eam erupit indignationem, ut arrepto malleolo, quo epistolæ consignantur, nummorum laqueum aggressus, tunc in-

Card. Crescentij
laudatus.

Tit. de duobus
reis constituend.

imminente cæde fuga se eripuit, seq. per schalam præcipientem dans timens, ac tremens ad mittentem incolumis se recepit, quod si intellexisset Maro ille poetarum princeps abstinuisset à sententia:

Vi potitur . Quid non mortalia pectora cogis

Auri sacra fames ?

Falleris ergo Properti, cum dixeris:

At nunc desertis cessant sacraria lucis .

Aurum omnes victa iam pietate colunt .

Auro pulsa fides , auro venalia vota ,

Aurum lex sequitur , mox sine lege pudor .

Miraculum, inquires, Romæ, non Romulo, cui à natura inditum erat nomen non nummos venerari, ac summo habere honore. Sacculus à cælo descendens, hoc est, opes, quæ ab honesto quæstu exoriuntur, non respuuntur. Aurum, quod aliunde exordium capit, quam ab honestis studiis sicuti lutum conculcandum, uti Romulus noster, qui adeo liberalis sui ipsius fuit, adeo magnanimus in eo munere, à secretis exercendo, adeo erga omnes officiorum plenus, ut amorem totius Romæ, & procerum omnium sibi conciliauerit.

Longè præclariora gessit Paradisus noster, ut ab omni vulgari conuitio, & ab omni avaritiæ sorde se absentem faceret. Perquirite, obsecro, à Gabriele Banchetto viro Florentino, quem annos ferè viginti in Pocillatorem Crescentius adhibuit, qui vnà cum Romulo plus decennio in vtraque fortuna sub iisdem auspicijs ita vixit, ut morum probitate, & rerum aulicarum notitia, coniunctissima hominis necessitudi-

rudine dignus habitus fuerit. Quid multis? communem mensam habuerunt, communes animi sensus, omnia communia. Quamobrem quicquid usu, & ratione cōcordia in optima amicitia excogitari potest, cū Romulo & Gabriele sãctissime intercessit, ac ita in his duobus effloruit, vt alter Lelium, alter Scipionem referret. Quamuis Paradisus Cardini viri elegantissimi animum sibi deuinctum studiosissima consuetudine teneret, ita vt à Cardino veluti frater maior natu vnice diligeretur veritate amicitiam, fide societatem, mutua pietate obsequia mirifice colendo. Discessit Paradisus à Crescentio Principe. Discessit & Banchettus. causa profectiois eadem: Perquirite, inquam, ab huiusmodi cordatissimo viro, & cognoscetis Romulum multa profectò perpetrasse, admiratione potius digna, quàm imitatione, quæ si dicere constituerem, in multam diem nostra oratio duceretur. Crescentium Cardinalem sequutus bienio in officio permanfit. à Crescentio iusta de causa ad Illusterrimum ac Reuerendiss. Principem Cardinalem Caponium Bononiæ Legatum migravit. apud quem tanta cum laude quinquennium consumpsit, vt existimatione magna fuerit, tantaq. dignatione habitus, vt pro dignitate ne laudare quisquam eum satis commodè possit. Etenim ad componendas epistolas non oculos, & manum, sed animum intende-

Card. Caponius laudatur

Card. Vbal-
dinus lauda-
tur.

xit ad procerum famam Romuli Paradisi studiosus labor, illiusq. vitæ ratio dimanauit ad existimationem hominum, quam quidem existimationem multo sudore, labore, & vigilijs collegit; ac ideò cum bonis omnibus summam iniuit gratiam. Ab Illustriss. Cardinali Caponio principe singulari pudore, virtute cognita, spectata fide, sua sponte moderato, & maiorum institutis optimis obtemperante virtute, fortuna, rebus, in Bononiensi legatione gloriosissimè gestis amplissimo, atq. cum paucis gratia doctrinis, & rerum gestarum cognitione comparando, ad amplissimum Principem Rupertum Cardinalem Vbaldinum Caponio iubente se recepit, à quo, ut mirum in modum desideratus, humanissimè tractatus fuit. Ità decebat Cardinalem in primis domi suæ summo loco natum, cuius nobilitatis memoria ex annalium vetustate eruenda est, quem generis sui authores nobilitati ipsi commendant, gratia, & hospicijs florentem hominum nobilissimorum, qui eodem fauore, & auctoritate, & fortasse maiori, qua adeptus est, gerit Cardinalatum, cuius prudētia cuiusquam præcepta non desiderat. in grauioribus disciplinis eruditus vilia honestis miscet. Plurimum enim illi acquirit venerationis, & dignitatis forma, cui non minus est authoritatis; quàm gratiæ: Animo enim est validus, & corpore constans nulla parte corporis inter se non congruente. Fædere igitur cum virtutibus omnibus inito quantum auctoritate, dignitate, & gratia in Gallica legatione polluerit, ex eo liquet, quod collabentem apud Gallos Summi Pontificis

ficis potestatem subleuauerit, & rei Ecclesiasticæ adeo præsto fuit, vt illam per totam prouinciam consilio, & autoritate, gratia, & fauore in integrum restituerit. Debebatur igitur serenissimo Cardinali viro suo præ ingenio temperato, vini natura parcissimo, & quantum à rerum turpitudine abest, tantum à verborum libertate seiuncto, & artibus honestis pudorem, & inter certamina vitiorum pudicitiam, & modestiam retinenti is familiaris à secretis, quem Romulum Paradisum fuisse pro certo habetis. Auditores humanissimi, dolore conficitur munificentissimus, ac beneficentissimus Princeps non quod Romulus Paradisus naturam expleuerit satietate viuendi. sed quod abscesserit incepto irritò, quod tanti viri virtutibus, quæ in animo constituerat præmia veræ virtutis precium non soluerit. cum intelligat summam esse laudem in collocato beneficio apud gratos, enim bonis quod beneficit, haud perit. Libenter, auditores, in laudum Paradisi vestigijs insisterem. sed tristis casus vocem meam fletu debilitauit, & mentem dolore impleuit, quem lacrymis testor, & perpetuò testabor.

Heu Paradise mi, amor, & deliciae generis humani, quomodo gaudia nostra parua commutauit aura? Tot ipse, tot gaudia dies vnus in aduersa conuertit. Quam citò omnia ex lætitia, & voluptate ad luctum, & lacrymas reciderunt? quod ergo reliquum vitæ

redundant ex hoc fonte dolores . Velas igitur , & remos cohibeamus . Vtius progredi non fert animus . benè actæ vitæ fæliciffimus exitus respondit , facris refectus alimonij sanctiffimisq. Ecclesiæ sacramentis armatus in illo formidoloso certamine acerrimos hostes profligauit , victor profectus est ad rerum omnium creatorem , translatus ex hac mortali luce ad illam , quæ nullis ab initio finibus intercluditur . Quod reliquum est vos dicite , quibus flumen ingenij vberimum est . qui tantam mæroris , causam , & nunquam expectatam , & diligentia consequi potestis , & memoria complecti , & oratione exponere , & voce , & viribus sustinere .

Contingit enim mihi veluti illi , qui mare totum se bibiturum pactus vitam pro pignore obtulerat , cū vero dies pacta hominem interpellasset , conueniunt omnes , vasa asportantur , dolia parantur , vtres adducuntur . Multi accurrunt spectaturi . mirantur omnes hominem faucibus maris aquas exhausturum . Accessit qui pactum fecerat . Pendent oculis , & ore omnes . Interea mare bibiturus cum altero pacti auctore sic loqui exorsus est . Ego quidem mare potaturum promisi , non fluitios . Tu flumina sustine ne in mare influant : Ipse me tibi totius Oceani potatorem fore spondeo , atque promitto .

Ego eodem planè modo vastissimum laudum Paradisi pelagus deglutire decreueram , non fluuios , non amnes qui in hunc Paradisum influunt , & ex hoc Paradiso effluunt . Sustinete vos , Auditores , flumina , & partes , quæ in hunc duplicem Paradisum corporeum ,

reum, & spiritalem, quibus constabat Paradisus noster, conueniunt, & ipse quod reliquum est confecturum (data publice fide) lubens propono, & polliceor. Hoc vnum dicam, ignoscite, auditores, & finem dicendi faciam, Romulum Paradisum non solum nobis omnibus, sed sibi ipsi Paradisum fuisse, & sui ipsius Paradisi custodem euigilantissimum. Ferunt Deum in ostio terrestris Paradisi Cherubin igneum tractantem gladium collocasse, ut explosis primis parentibus illum amœnitatis, & deliciarum locum custodiret, atq. accedentibus ingressum denegaret. Profligatis vitij omnibus tum naturæ beneficio, atque liberalitate, tum studiorum exercitatione, quibus totus incumbebat Paradisus; gladio igneo, hoc est, stimulo honoris, atq. inatę dignitatis animū ab omni vitiorū sorde custodiuit, & rectæ rationi adeo sensus omnes subegit, & irascibilē, & cōcupiscibilem facultates ita cōpresit, mitigauit, & moderatus est, ut iram in mansuetudinem, & clementiam commutauerit, concupiscentiam à terrenis ad cœlestia transtulerit in tertium cælum raptus, hoc est in ipsius Dei contemplationem & sic se ipsum curauit ne se libidinibus inquinaret, ut ne quidem in amicitiam exciperet non admodum honestos, quos quadam oculorum seueritate ita perterrebat, ut non solum accedere auderent, imò verò à Paradiso nostro aufugerent, ac si ab Angelo igneo gladio concuterentur. O felicem animam.

admiratus est, in cœlis clarè hodierna die intuetur, & videt Paradisus noster, quem, faxit Deus, vt post longam, & fœlicem in terris bene actam vitam in regno gloriæ conspiciamus, ac vnà omnes æterno æuo fruamur. Dixi.



F I N I S.

ERRATA SIC EXPVNGITO.

<i>tecum</i>	<i>tuum.</i>	<i>pag. 3</i>
<i>diurnum</i>	<i>diuturnum.</i>	<i>9</i>
<i>Et Stygius</i>	<i>Et Stygius</i>	<i>9</i>
<i>Arepto</i>	<i>atrepto</i>	<i>10</i>
<i>multiq.</i>	<i>maltoq.</i>	<i>12</i>
<i>verum</i>	<i>verum</i>	<i>15</i>
<i>Continentur</i>	<i>continuantur</i>	<i>15</i>
<i>iniquitatem</i>	<i>iniquitatum</i>	<i>17</i>
<i>estate</i>	<i>atate</i>	<i>30</i>
<i>non inhumanam</i>	<i>inhumanam</i>	<i>30</i>